



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-14-4-3186-2  
Datum: 25-07-2019

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 70., u vezi sa čl. 21 tačka c) i 28. Zakona o javnim nabavkama BiH („Službeni glasnik BiH”, broj 39/14) – u daljem tekstu: ZJN i preporuke Komisije za javne nabavke imenovane rješenjem ministra MUP Kantona Sarajevo broj 05-1-14-4-1920 od 28.03.2019. godine kao i izmjenama Rješenja broj 05-1-14-4-1920-1 od 12.04.2019. godine i 05-1-14-4-1920-2 od 24.05.2019. godine, ministar unutrašnjih poslova Kantona Sarajevo, d o n o s i

### **O D L U K U**

**o izboru ponuđača za nabavku usluga migracije postojećeg komunikacionog sistema, dogradnja postojeće telefonske centrale, isporuka i umrežavanje novih telefonskih centrala u policijskim stanicama u telefonski sistem SIEMENS OpenScape 4000 u sjedištu Ministarstva unutrašnjih poslova Kantona Sarajevo i znavljanje telefonskih aparata**

#### **I**

Na osnovu Odluke, broj 01-14-4-3186-2 od 07.06.2019. godine, pokrenut je postupak **nabavke usluga migracije postojećeg komunikacionog sistema, dogradnja postojeće telefonske centrale, isporuka i umrežavanje novih telefonskih centrala u policijskim stanicama u telefonski sistem SIEMENS OpenScape 4000 u sjedištu Ministarstva unutrašnjih poslova Kantona Sarajevo i znavljanje telefonskih aparata**, putem pregovaračkog postupka bez objave obavještenja.

#### **II**

Komisija je shodno rezultatima kvalifikacijskog vrednovanja, okončanih pregovora i konačne ponude dala preporuku da se donese Odluka o dodjeli ugovora ponuđaču “SIECOM” d.o.o. Sarajevo.

#### **III**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

#### **IV**

Ova odluka će biti objavljena na web stranici Ministarstva unutrašnjih poslova Kantona Sarajevo i stupa na snagu danom donošenja.



## Obrazloženje

Na osnovu Odluke o nabavci broj 01-14-4-3186-2 od 07.06.2019. godine, koja je objavljena na web stranici Ministarstva unutrašnjih poslova Kantona Sarajevo (u daljem tekstu: MUP KS), proveden je pregovarački postupak bez objave obavještenja za nabavku usluga migracije postojećeg komunikacionog sistema, dogradnju postojeće telefonske centrale, isporuku i umrežavanje novih telefonskih centrala u policijskim stanicama u telefonski sistem SIEMENS OpenScape 4000 u sjedištu Ministarstva unutrašnjih poslova Kantona Sarajevo i znavljanje telefonskih aparata za potrebe Ministarstva unutrašnjih poslova Kantona Sarajevo.

Komisija za javne nabavke MUP-a Kantona Sarajevo, imenovana Rješenjem broj 05-1-14-4-1920 od 28.03.2019. godine i izmjenama i dopunama Rješenja broj 05-1-14-4-1920-1 od 12.04.2019. godine i 05-1-14-4-1920-2 od 24.05.2019. godine (u daljem tekstu: Komisija) je izvršila pregled i ocjenu zahtjeva za učešće u pregovaračkom postupku bez objave obavještenja inicijalne/početne i konačne ponude.

Zapisnikom o pregledu Zahtjeva za učešće u pregovaračkom postupku od 09.07.2019. godine, konstatovano je da je ponuđač „SIECOM“ d.o.o. Sarajevo dostavio ponudu - Zahtjev za učešće, prema kojoj ponuđena inicijalna/početna cijena predmeta nabavke iznosi 239.885,43 KM sa uračunatim popustom i PDV-om, što je u okviru procijenjene vrijednosti nabavke, te da je ispunio sve uslove tražene tenderskom dokumentacijom, odnosno da su se stekli uslovi za pregovaranje.

S tim u vezi, upućen je poziv za pregovaranje radi dostavljanja konačne ponude u pregovaračkom postupku bez objave obavještenja, ponuđaču „SIECOM“ d.o.o. Sarajevo za dan 11.07.2019. godine, tokom kojih je predstavnik ponuđača izrazio spremnost za sniženje početne cijene ponude, te je upućen poziv za dostavu konačne ponude najkasnije do 17.07.2019. godine, što je isti i učinio.

Komisija je izvršila pregled i ocjenu dostavljene konačne ponude, te sačinila Zapisnik o pregledu i ocjeni iste broj 01-14-4-3186-2/19 od 19.07.2019. godine. Prema dostavljenom Obrascu za ponudu i Obrascu za cijenu koji su dostavljeni u konačnoj ponudi, utvrđeno je da konačna ponuda iznosi 238.212,00 KM sa uračunatim popustom i PDV-om.

Pregledom i analizom dostavljene konačne ponude Komisija je utvrdila da je navedena ponuda blagovremena, potpuna, računski ispravna i kvalifikovana, te je kao takva prihvatljiva.

Na osnovu ponuđenih uslova u ponudi, primjenjujući kriterij „najniža cijena“, Komisija je u skladu sa članom 69. stav (1) tačka a) i članom 70. stav (1) ZJN predložila ministru unutrašnjih poslova Kantona Sarajevo da donese odluku o dodjeli ugovora za nabavku usluga migracije postojećeg komunikacionog sistema, dogradnju postojeće telefonske centrale, isporuku i umrežavanje novih telefonskih centrala u policijskim stanicama u telefonski sistem SIEMENS OpenScape 4000 u sjedištu Ministarstva unutrašnjih poslova Kantona Sarajevo i znavljanje telefonskih aparata za potrebe Ministarstva unutrašnjih poslova Kantona Sarajevo, ponuđaču „SIECOM“ d.o.o. Sarajevo na iznos od 238.212,00 KM sa uračunatim popustom i PDV-om, jer je jedini ponuđač koji je dostavio prihvatljivu konačnu ponudu, a ujedno je i jedini ponuđač sa kojim se može zaključiti ugovor s obzirom da je „SIECOM“ d.o.o. Sarajevo jedini ovlašteni partner sa statusom Profesionalnog partnera za OpenScape 4000 na području Bosne i Hercegovine u pogledu javnih tendera i direktne prodaje, što su dokazali pismom autorizacije proizvođača.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Cijeneći naprijed navedeno riješeno je kao u dispozitivu.

**POUKA O PRAVNOM LIJEKU:**

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana objave dobrovoljnog *ex ante* obavještenja o transparentnosti, a u skladu sa članom. 99. i 101. stav (4) tačka a) ZJN.

**DOSTAVITI:**

1. Komisiji;
2. Ponuđaču;
3. Kabinet ministra, stručni savjetnik za odnose s javnošću;
4. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16

